

Factus es ipsius Vicecancellarius dulæ
Te memini placidè quas obiisse vices.
Omnibus hîc Palmam sed præripuisse videris,
Huius qui curæ sustinuère vices.
Nam tam mansuetus, placidus, responsa benignè
Omnibus, innata pro bonitate, dabas.
Non tua spectabas, sed publica commoda tantùm,
Sicut abhuc huius præmia laudis habes.
Publica res equidem tibi se debere fatetur
Omnia, quod passim publica vota probant.
Hoc sed eras septem cum munere functus in annos,
Virtutes fama suspiciente tuas:
Dignaq; cum partæ præconia laudis haberes,
Et meritis essent omnia plena tuis.
Emeritus miles Rhetensis regna Ducatus
Rexisti imperij pro gravitate tui.
Atq; ibi cum placidæ fruereris pace senectæ,
Et veheret laudes subdita terra tuas.
Ad latus, es rursus reuocatus, Regis vt esses,
Huius ab arcanis consilijsq; fores.
Munus adhuc tanta quod laude vir inclyte præstas,
Et virtute tua tam vigilanter obis.
Vt te tota colat Respublica numinis instar
Et te propenso pectore Caesar amet.
Hæc tua cum virtus toti sit cognita mundo,
Te manet æterni nominis amplus honos.
Famaq; quæ nullos est deperitura per annos,
Quæ venit è meritis gratia digna tuis.
Nobilium serie cum sis generosus auorum,
Splendorem referat stirpis & VLMA tuæ.
Stemmata non iactas nec auitæ stirpis honorem,
Quod genus è celebri nobilitate trahas.
Sed, benè cum meritis fueris, Respublica grates
Quod tibi perpetuæ munere laudis agat.

Quod-